

FAUTUAGA MO E O LOO FAA NOFO-ESEA ONA O LE CORONAVIRUS



O vaega taua nei e tatau ona silafia o le tatou aufaigaluega faavaitaimi pe afai ua pesia seisi I le faamai ma ua tatau ona faa nofo-esea pe nofo puipuia mo se vaitaimi. Afai sa e felatai/fesootai ma seisi ua faamaonia ua maua I le faamai, tautuana ma oe fautuaga taua nei o loo i lalo.



OAI E TATAU ONA FAA NOFO-ESEA?

Afai o oe o se tagata sa fesootai ma se tagata o loo faamaonia ua maua I le Coronavirus, e tatau ona e nofo-ese. E tatau ona e nofo I le fale mo le 14 (sefulu-fa) aso, ma e matua sa lava ona e fealuai.



NOFO I LE FALE, E SA NA ASIASI ATU SEISI IA TE OE

Mo aso sefulu-fa nei o le a e nofo puipuia ai, nofo lelei i le nofoaga ua atofaina ma taumafai e nofo i se potu faapitoa mo oe.

- Ua matua sa lava ona e alu I se mea o loo tumu ai tagata lautele, e pei o le falefaigaluega, falesa poo ni isi faalapopotoga o loo tumu ai tagata e ono pesia I le faamai.
- E matua sa lava ona e taliaina ni tagata o loo fia asiasi atu ia te oe i le fale.
- Afai o e faa nofo-esea I se faletalimalo (hotel), e matua faasa lava ona e faalatalata i isi malo oloo nonofo I le nofoaga. E faasa foi ona e faalatalata foi I le aufaigaluega a le faletalimalo.

Afai o loo e malosi I le taimi o loo faa nofo-esea ai oe I le fale, e le manaomia le faogaina o se mask. Vili I le sui a le tou kamupagi o loo vaaia outou, poo se isi o le tou aufaigaluega pe mafai ona fesoasoani atu I mea ete manaomia e pei o le faatauina mai o oloa mai le faleoloa.

Afai e tatau ona e alu ese mai le nofoaga o loo e nofo puipuia ai mo feau taua, e pei o le alu I le fomai e tatau ona e taumamao ese ma isi tagata i sou mafai e gata ai (Social distancing). E 1.5 mita pe sili atu le mamao o le va e tatau na e tausia mai isi tagata o loo feoai. E fautuina foi ia faaogaina sou mask e ufiufi ai lou fofoga pe a e malaga I fafo. E maua mask i faletalavai o pitonuu uma.

Afai e leai sou mask o faaogaina, aua ete tale pe mafatua i se isi o loo latalata ane ia te oe, mo nisi faamatalaga e uiga I le faaogaina o mask, siaki ane le itulau nei o le upegatafailagi: <https://www.health.gov.au/resources/publications/coronavirus-covid-19-information-on-the-use-of-surgical-masks>.



IA E MATAALA MA FAALOGO LELEI I OU LAGONA FAA-LE TINO

I le taimi lea ete nofo-ese ai, e tatau ona e siaki ma mataala i auga o le mai o le Coronavirus. O auga o le mai o le fiva, tale, tiga le faaii, gagase o le tino, tau le mafai ona manava. O isi auga o le; isu tafe, tiga o vaega eseese o le tino e pei o le maso, ma e lagona le maalili o le tino.



FAUTUAGA PE A E LAGONAINA AUGA O LE MAI

Afai ete lagonaina o auga nei o le mai (tusia I lalo) I totonu o le 14 aso talu na e fesootai ma se o loo maua i le faamai, vili vave lou fomai pe telefoni I le numera faapitoa lea mo le faamai o le Coronavirus 1800 020 080.

- fiva
- tale
- tiga le faaii
- gagase le tino.

Afai ete fia alu e vaai le fomai, e taua tele lou vili muamua ae ete lei alu. E tatau na e faailoa iai sa e feiloai pe fesootai ma se tagata ua faamaonia ua maua I le faamai Coronavirus. E tatau loa ona e faa nofo-esea i lou fale poo le faletalimalo o loo e faamautu ai seia oo I le taimi ua toe faatagaina ai oe le fomai poo se tausi soifua ete toe fealuai ai.



LAPATAIGA MO LE FAAITIITIA O LE PIPISI O LE CORONAVIRUS

Fufulu faamama ou aao I taimi uma, aua ete mafatua pe tale ao e latalata i se isi. E tatau na e taumamao ese ma isi tagata i sou mafai e gata ai (Social distancing). E 1.5 mita pe sili atu le mamao o le va e tatau na e tausia mai isi tagata o loo feoai. O le tele o setete o Ausetalia ua faamamaluina tulafono o le social distancing ma o se tulafono e ono sala tupe ai tagata feoai pe a le tausia. Aua ete faatamala.

E tatau I taimi uma ona e:

- fufulu mama ou aao i le vai ma le fasimoli mo le luasefulu sekone ae ete lei taumafa, pe a maea ona e taumafa, aemaise pe a uma ona e faaogaina le fale le-taau.
- uiufi lelei lou fofoga pe a e mafatua pe tale, lafoai malu lelei i le lapisi se solosolo laupepa pe afai na e faaogaina ma fufulu lelei ou aao i le fasimoli pe a uma.
- e tatau na e taumamao ese ma tagata o loo e vaaia o faamaimai.



FAUTUAGA MO LE FEMALAGAINA I FAFO O LOU FALE

Afai ete nofo i se fale mautu, e faataga lou fealuai I fafo o le fale i totonu lava o lou fanua - ae le o fafo mai. Afai o e nofo-esea I se potu I se faletalimalo, e faataga foi lou alu I fafo e asiasi le togalaau mo se taimi laitiiti ae e tatau ona e faaogaina se mask ae ete lei alu ese mai le potu. Taumamao ma isi tagata i le 1.5 mita le va, ma ia vave ona e agai ese mai ni vaega o le faletalimalo o loo tumutumu ai tagata.



FAUTUAGA MO LATOU O LOO NONOFO FAATASI MA OE

O tagata uma o loo nonofo faatasi I le tou fale, e le manaomia ona latou nofo-ese sei vagana ua latou fesootai pe feiloai ma se tagata ua maua I le coronavirus. Afai ua e lagonaina auga o le mai ma o loo saili se faamaoniga mai fomai, o tagata uma o loo tou nonofo faatasi e tatau foi ona faa nofo-esea mo le sefulu-fa aso.



IA E TU MAMA I TAIMI UMA

Mo le faaitiitia o le pepesi o le siama, e taua le faamama o meafale uma sa e tago i ai. E pei o au o faitotoa, laulau, ki o moli, fale-le taua ma fale taele. E tatau na faamama I aso uma ma faaoga vailaau ina ia pe pe uma siama.



FAUTUGA MO LE O LOO NOFO-ESEA

E le faigofie le nofo-ese / nofo puipuia, e lagona foi le boring i isi taimi. O ni fautuaga nei e fesoasoani atu ia te oe mo lea vaitaimi;

- Aua nei galo na e vili e asi le tou aiga i Samoa, emeli pe facebook iai. Faailoa iai le tulaga ua iai oe.
- Asiasi ane I le tatou itulau i le facebook o loo faasalalau atu ai video a le tatou polokalame aemaise video o loo fuafuaina i le gagana Samoa i le lumanai. O loo iai foi le saunoaga faalaeiau matagofie a le tatou ministra o galuega Samoa, Lautafi Purcell mo le tatou auaigaluega faavaitaimi I Ausetalia e faatatau i le Koviti-14: <https://www.facebook.com/pacificlabourmobility1/>
- Suesue atili i le upegatafailagi i le faamai o le Koviti-19 ma talatalanoa i ou uo I le telefoni e faasoa ma fesoasoani foi ia te I latou, ia latou malamalama foi i vaega uma o le faamai ma faasalalauga a le malo.
- Tausi lelei lou soifua maloloina e ala lea i le faamalosi tino ma taumafa i meaai paleni ma fualaaaina e lelei mo lou tino. Ki le upegatafailagi I lou telefoni o loo tele video exercise ete faatinoaina ile fale, e maua ai le faaafu lelei mo oe.
- Fai se malologa o le tino, ma le mafafau i le alii. Toaga e tatalo ma saili I afioga paia a le atua, o ia o le fomai o fomai uma. Faitau se tusi, pe ao foi sou pese poo se siva.

MO NISI FAAMATALAGA?

- Mo lapataiga ma fautuaga o le Koviti-19, asi ane le itulau o le upegatafailagi: <https://www.pacificlabourmobility.com.au/coronavirus>
- Vili i le numera faapitoa o le malo mo le Coronavirus: 1800 020 080. E 24 itula o le aso, fitu aso o le vaiaso e tatala ai le laina.
- O loo iai foi le itulau o le malo Ausetalia I luga o le upegatafailagi e faapitoa mo le Koviti-19: <https://www.health.gov.au/news/health-alerts/novel-coronavirus-2019-ncov-health-alert>
- A e popole i soo se vaega o lou soifua, vili i lou fomai.
- E maua uma ofisa o soifua maloloina o setete uma o Ausetalia i le itulau nei o le upegatafailagi: <https://www.health.gov.au/state-territory-contacts>.
- E mafai foi ona e vili mai I le ofisa o le Pacific Labour Facility Worker Welfare Team, I le numera 24-itula 1800 51 51 31, pe emeli mai foi I le: welfare@pacificlabourfacility.com.au